



Inatsisartunut ilaasortamut
Tillie Martinussenimut
Suleqatigiissitsisut

Angerlarsimaffeqanngitsuuneq pillugu § 37 naapertorlugu apeqqummut nr. 325-2019-imut akissut

23-10-2019
Suliap normua 2019 - 22739
Akt. id. 11886179

Asasara Tillie Martinussen,

Apeqqtinnut qujanaq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

1. Angerlarsimaffeqannginneq pillugu ajornartorsiummi Naalakkersuisut nutaanik suliniuteqarnissap, tassunga ilanngullugit angerlarsimaffeqanngisunut unnuiffiusinnaasut, qulakkeernissaanik suliniuteqarnerlutik ilisimatitsissutigisinnaavaat?

UPA 2019-imi imm. 88/111-imi angerlarsimaffeqanngitsut pillugit suliassa qarfik pillugu qulaajaqqullugit Naalakkersuisut peqquneqarput, tassanilu piffinni unammilligassat eqqarsaatigineqassallutik, taamaalilluni kommunit isumaginninnermi iliuusissanik suliqaqarnissannut nalinginnaasumik tunngavissinneqarnissaat siuneqartarineqarpoq. Qulaajaaneq taanna aallartinneqareerpoq.

Angerlarsimaffeqanngitsut amerlialuttuinnarnerat Naalakkersuisut isumakulunnartippaat. Taamaamat qulaajaaneq kisiat pineqassanngilaq. Suliassa qarfik ilisimasallit peqatigalugit "sukumiisumik nalunaarsuinerneq" (hvidbog) / suliniutissanullu aalajangersimasunut innersuussutinik, angerlarsimaffeqanngitsunut suliniutitut aallartinneqartussaasunut, ajornartorsiummullu pitsaaliuinissaq pillugu suliqaqtussat pillugit suliap aallartinnissaa pilersaarutigineqarpoq.

Ineqarnermut akiligassaqarneq pissutigalugu anisitaasarneq pissutaalluni amerlasuut angerlarsimaffeeruttarput. Akiitsut pillugit siunnersorneqartarnerup nunamut tamarmut siammarneqarneranut piviusoq taanna aamma Kommune Kujallerneqareersaatitut misiligutaasumik suliniut tunuliaqutaapput. Kingunerisai pitsaasuupput Naalakkersuisullu taassuma angerlarsimaffeqanngitsuunerup pitsaaliorneqarnissaanut ilapittuutaanissaa neriuutigaa.

Tamatuma saniatigut pisortanit ikiorsiisarnermut aaqqissuusseqqinnissaq pillugu piareersaatit Naalakkersuisut aallartereerpaat. Aaqqissuusseqqinnissap piareersarneqarnerani angerlarsimaffeqanngitsut sullinniakkatut ilaapput. Siullertut ullumikkut pisortanit ikiorsiissutinik pisinnaassagaanni, taava Kalaallit Nunaanni aalajangersimasumik najugaqarnissamik piumasaqaateqarneq nutarterneqassaaq. Taamaattoqarnerata angerlarsimaffeqanngitsut pisortanit ikiorsiissutinik pisartut sullinneqarnerat ajornarsartarpa. Tamatuma saniatigut angerlarsimaffeqanngitsut

pisortat ikiorsiissutaannik pisartut isumaginninnermi pissutsit pillugit piginnaangorsarneqarnissamik piginnaangorsaqqinneqarnissamilluunniit suliniutinik tiguisarnissaat pillugu ilusiliussassamik aallarniisoqarnissaa eqqarsaatersuutigineqarpoq. Suliniut pisortanit ikiorsiissutinut attavilerneqassaaq.

2. Angerlarsimaffeqanngitsut pillugit kommunit suleqatiginissaasa qulakkeerneqarnissaanik suliaq qanoq siuarsimatiginersoq Naalackersuisut ilisimatitsissutigisinnaavaat?

Taaneqareersutut angerlarsimaffeqanngitsut pillugit suliassaqarfiup qulaajaavigineqarnera Naalackersuisut aallartereerpaat kommunillu piffissami aggersumi suliame tassani ilaatinneqarumaarput. Qulaajaanerup kommunillu iliuusissanut pilersaarutit suliarisartagassaasa suliarineqarnissaasa ataqatigiinnissaat, kiisalu nunatsinni angerlarsimaffeqanngitsut pillugit piffissaq ungasinnerusoq eqqarsaatigalugu pitsaasunik aaqqiissuteqarnissaaq siunertarineqarpoq.

3. Angerlarsimaffeqanngitsut tassangaannarlu angerlarsimaffeeruttut pillugit ajornartorsiutit pillugit sulinermi kommunit namminerluunniit aningaasanik amerlanerusunik, isumalluutinik atugassiisoqarsimanersoq, aaqqiissutissatut periusissiaqarnersoq, soorlu unnuiffissanik inuunermiluunniit atukkat sakkortuut sakkukillisinneqarnissaannut, Naalackersuisut ilisimatitsissutigisinnaavaat?

Suliassaqarfimmut tassunga aningaasanut inatsimmi immikkut aningaasaliisoqanngilaq.

Innuttaasut aarlerinartorsiortut angerlarsimaffeerutinnginnissat pillugu eqqortunik pitsaaliuinissanut ikiuunnissanullu kommunit akisussaasuupput. Angerlarsimaffeqanngitsut sullinneqarnerannut pisariaqartitanik aningaasaliinissap qulakkeerneqarnissaa taamaalilluni kommunit aamma akisussaaffigivaat.


4. UPA2019-imi imm. 88-ip akuerineqarnerani sulikkiissutigineqartup suliarineqra qanoq siuarsimatiginersoq Naalackersuisut ilisimatitsissutigisinnaavaat?

Apeqqu 1-imut akissut takuuk.

5. Suliami soqutiginartunik allanik Naalackersuisut ilisimatitsissuteqarsinnaappat?

Siunissami angerlarsimaffeqanngitsut ikilisinnissaat inuiaqatigiittut ilungersuutigissavarput. Taamaattoq angerlarsimaffeqanngitsuuneq unammilligassatut immikkoortutut isigissanngilarput. Angerlarsimaffeqanngitsuuneq amerlanertigut inooqatigiinni ajornartorsiutinik assigiinngitsunik katitigaasunik tunuliaqutaqakkajuttarpoq, soorlu meeraanermi sumiginnagaasimanermik, innarlerneqarsimanermik, atonerluisuunermik (hashimik imaluunniit imigassamik) immaqaluunniit innuttaasup nammineq aningaasaqarnini aqussinnaaneq ajorpaa taamaalillunilu ineqarnermut akiliutissaminik kinguaattooruteqalersarluni. Taamaammata angerlarsimaffeqanngitsuunerup pitsaaliorneqarnissaanut neqeroorutit amerlasuut ataqatigiissaagaasullu pisariaqartinneqarput.

Inussiarnersum ik inuulluaqqusillunga



Martha Abelsen